

Vuk'uzenzele

**JOBS
INSIDE:**

Produced by Government Communications (GCIS)

English/Sepedi

| Lewedi 2018 Kgatišo 1

Free Copy

Let's tour Mzansi



@VukuzenzeleNews

Vuk'uzenzele

ALSO AVAILABLE ON:

Websites: www.gcis.gov.za

www.vukuzenzele.gov.za

E-mail: vukuzenzele@gcis.gov.za

Tel: (+27) 12 473 0353



Dijo tša gae di a tsefa go baeti ba moše wa mawatle

Dale Hes

Badudi ba mmasepala wa George Kapa Bodikela ba tla ba ba efa baeti ba moše wa mawatle bošego bjo ba ka se bo leballego ka lenaneo la *Dine with Locals*.

Lenaneo le ke karolo ya go keteka kgwedi ya Boeti moo mmasepala o kgethilego dihlopha tše tshela go tšwa lekheišeneng la Thembaletu le la Pacaltsdorp go ba benggae ba baeng ba moše wa mawatle ka dijo tša maemo a godimo le boithabišo.

Go beakanya go ba benggae, dihlopha di tsenetše dikopano tša tlhahlo yeo e amanago le boeti le go apha.

Ba rutilwe mabokgoni ao a sepelelanago le go thoma le go sepediša dikgwebo tša bona, ka maikemišetšo a go swana a go ba baamogedi ba letseno bao ba atlegilego ka



■ Baeng ba ipshina ka dilalelo tša teko tšeo di dirilwego ke *Explore our Hood Team* go la Thembaletu bjalo ka karolo ya lenaneo la *Dine with Locals*.

intastering ya boeti.

Nomzamo Entile (31) yoo e lego karolo ya dihlopha tše tshela o etile pele sehlopha sa *Explore our Hood*, seo se lego Thembaletu. Entile o hlomile *Explore our Hood* go godiša moya wa kopano ka George.

“Re lemogile gore go be go na le karogano gare ga ditšhaba tša go fapana tša George.

Re nyaka gore batho ba tle lekheišeneng go bona gore re na le setšo sa amaXhosa sa go kgahliša seo ba tla tlogo ba itemogela sona ka bo bona,” gwa realo Entile.

Mo go itokišetšeng tiragalo ya Kgwedi ya Boeti, sehlopha se šetše se phethile ka katlego go dira diteko tše pedi, e leng tša go ba benggae ba maloko ao a etetšego intasteri ya boeti.

“Re kwa re itokišetše gape re thabile kudu go ba benggae ba baeti ba moše wa mawatle.

Re tshepa gore se se tla bula mabati go rena ka moka go hwetša maitemogelo ka intastering ya boeti, le gore e tla bontšha gape gore makheišene a Afrika Borwa a na le tše dintši tšeo a ka di abago go bobedi baeti ba moše wa mawatle le ba gae,” Entile o boletše bjalo.

Molaodi wa Boeti bja George Joan Shaw o hlaloša gore lenaneo le le tla bontšha mehuta ya go fapana ya ditšo.

“Lenaneo la *Dine with Locals* le emela setšhaba sa molalatladi, go abja maitemogelo a ditšo tšeo di sego ka fase ga

tše hlano, e lego sa isiXhosa, Tshivenda, Khoi, Cape Malay le dijo tša lewatle tša ‘Snoek en Patat’ tša gae,” gwa realo Shaw.

Ka morago ga mekete ye ya

“**Makheišene a Afrika Borwa a na le tše dintši tšeo a ka di abago go baeti ba go tšwa dinageng tša ntle le ba gae.**”

mantšiboa, dihlopha tše di tla ba dikgwebo tše di feletšego tšeo di abago ditirelo go Boeti bja George, gomme bona bo tla bapatša le go reka ditirelo tšeo bonago le tšona. ■

Go namela maphoto go tloša bana mekgotheng

LE GE BA BANTŠI ba bona moraloko wa go sesa mo maphotong bjalo ka papadi ye nngwe le ye nngwe fela, mokgatlo wo mongwe wa KwaZulu-Natal o fetotše se go ba mošongwana wa boitapološo.

Vuyo Ndlovu

Go thelela godimo ga meetse ga se fela papadi goba mošongwana wa boitapološo go bafsa bao ba dulago bogare bja toropokgolo ya Durban ka KwaZulu-Natal eupša ke gape go efoga mathata a leago.

Surfers Not Street Children ke mokgatlo woo o abago dithutwana tša go sesa mo maphotong tša go se lefelwe go bana bao ba phelago mekgotheng le bafsa bao ba hlokomologilwego mo bogareng bja toropokgolo.

Mokgatlo o araba thwii go lwantšhana le go hloka magae ga bana le go kgonthiša gore bafsa ba dira se sengwe se sebotse ka maphelo a bona.

Mmasepala wa eThekweni kgauswanyana o thekgile mokgatlo ka go aba diboto



■ Ba bangwe ba boramaphoto go tšwa go *Surfers Not Street Children* le *KZN Surfing Club* bao ba amogetšego diboto tša go sesa mo maphotong. Diboto tše di tla šomišetšwa mabakeng a tlhahlo.

tše 10 tša go sesa mo maphotong.

Diboto tše di tla šomišetšwa mabakeng a tlhahlo gomme di dirilwe ka se pontšhe seo se thušago boramaphoto bao ba sa thomago go phaphamala ka godimo ga meetse.

Molaodi wa kgoro ya tlhahlo ya dipapadi le boitapološo ya mmasepala Teddi

Adams o re diboto tše di tla thuša bao ba ratago go ka ba boramaphoto.

“Mpho ye ke karolo ya mokgwa wa mmasepala wa go godiša dipapadi le go kgonthiša gore bafsa ka moka, go sa lebelelwe morafe goba legoro, ba fihlelela dinolofatši tšeo di tla ba thušago go šoma gabotse kudu ka lenaneo la dipapadi

leo ba le kgethilego.”

Langelihle Nkosi (16) yoo e lego molaodi wa maphoto o leboga mmasepala ka mpho ye.

“Ke ipshina ka go tla dithutwaneng tša boramaphoto ka gore di nthuša gore ke be gabotse mmeleng gomme ke ipshina ka go sesa mo maphotong.” Nkosi o hlohleletša bao ba ratago go ka ba boramaphoto go tla go kgatha tema le go ithuta tše dintši ka go sesa mo maphotong.

Mohlahlhi wa boramaphoto, Sandile Mqadi, wa *Surfers Not Street Children Club*, o re mokgatlo o ikemišeditše go ruta bana mabokgoni a go sesa mo maphotong bjalo ka mokgwa wa go ba tloša mekgotheng.

“Re thuša bana bao ba phelago mekgotheng le bao ba tšwago malapeng ao a hlokomologilwego. Ditire-

lo tša rena ga di lefelwe gomme bafsa ba mengwaga ye mehlano go ya go 23 ba amogetšwe,” gwa realo Mgadi.

O tlaleleditše ka gore diboto tšeo di abilwego ke mmasepala di tla thuša maitapišo a bona gomme bana ba bantši ba tla kgona go tšea karolo mo lenaneo.

Surfers Not Street Children Club e aba dithutwana tša go sesa mo maphotong go tloga ka Mošupologo go fihla ka Labohlano go tloga ka iri ya 08:30 go fihla ka iri ya 13:30.

Bakgathatema bao ba nago le kgahlego ba ka ngwadiša mo Ofising ya *Surfers Not Street Children* mo North Beach.

Mmasepala o abile gape diboto tše dingwe tše 10 tša go sesa mo maphotong go ba KwaZulu-Natal Surfing Federation. ■

Kgoro ya Maphelo ya Limpopo e iša godimo bohlokwa bja go nyantšha letswele

GE NAGA e keteka matswalo a Mama Albertina Sisulu Kgoro ya Maphelo ya Limpopo e theeletše phapoši ya go nyantšhetša letswele ka yena go hola batswetši.



■ Molekgotlaphethiši wa Maphelo wa Limpopo Ngaka Phophi Ramathuba o farafarilwe ke batswetši bao ba tlilego thakgolong.

Kanego Lewele le More Matshediso

Go nyantšha letswele go loketše kaonafatšo ya maphelo a ngwana kudu le phepo ya ngwana eupša bontši bja batswetši bao ba šomago ba hwetša go le boima go tšwela pele go dira seo ge ba boallifing ya setswetši.

Se ke ka lebaka la gore ga go na dikgoba tša maleba

mo mafelong a mošomo a mantši tšeo batswetši ba ba nago le masea a meetse ba ka gamolago matswele goba go nyantšha bana ba bona ka nako ya mošomo, gomme ba feletša ba felelwa ke maatla a go tšwela pele go nyantšha letswele ka gore ba fetša bontši bja letšatši la bona mošomong ba se na le masea a bona.

Mo maitapišong a go šogana le tlhohlo ye, Kgoro ya

Maphelo ya Limpopo e thakgotše phapoši ya mathomo yeo e sa kago ya bonwa ya go nyantšhetša letswele le go gamola letswele mo diofising tša yona.

Phapoši ya go nyantšhetša letswele e thakgotšwe ke Molekgotlaphethiši Ngaka Phophi Ramathuba.

E theeletšwe ka Mama Albertina Sisulu woo matswalo a gagwe a ketekwago ngwagwo.

Go tshepša gore phapoši ye e ka se thekge fela batswetši bao ba nyantšhago letswele bao ba šomelago kgoro, eupša le go hlohleletša dikgoro tše dingwe go thekga batswetši bao ba santšego ba nyantšha masea a bona letswele mo mošomong.

Bašomedi ba kgoro ba ka kgopela bahlokamedi ba masea a bona go a tliša mošomong ka nako ya matena gore ba tle ba a nyantšhe letswele. Phapoši ye e tla šomišwa gape ke batswetši bao ba nyakgo go gamola matswele nakong ya mošomo.

Yo mongwe wa bašomi ba kgoro, Mpho Kutumela, mma wa mafahla a dikgwedi tše 11, mošemane le mosetsana, o thabetše senolofatši se.

“Phapoši ya go nyantšhetša letswele e tla ba mohola go rena bjalo ka batswetši ka gore e tla re fa gape sebaka sa go gamola mekgatho ka tokologo mo tikologong ye botse,” a realo.

Batswetši bao ba etelago kgoro le masea a bona ka lebaka le lengwe le le lengwe le bona ba tla dumelelwa go šomiša phapoši go nyantšha bana ba bona letswele.

Molekgotlaphethiši Rama-

thuba o rile phapoši ya go nyantšha letswele ya Albertina Sisuli ke ya mošwananoši mo profenseng.

Molekgotlaphethiši o tshepa gore lenaneo le le tla kgathatema go godišeng le go šireletšeng ditiro tša go nyantšha letswele ka kakaretšo ka maikemišetšo a go fihlelela kaonafatšo ya maphelo a ngwana ye e lokilego.

“Mekgatho e na le difepa mmele tšeo di nyakwago ke masea gomme di ka se tšweletšwe ka maitirelo,” gwa realo Molekgotlaphethiši. ■

Mehola ya go nyantšha letswele

- Mekgatho e na le dilwantšhatwatši tša mmele tšeo di thušago lesele la gago go lwantšha dikokwanathoko le dipakteria.
- Go nyantšha letswele go fokotša kotsi ya lesele la gago ya go ba le dialetši.
- Bana ba ba nyantšhwago letswele fela mo dikgweding tše 12 tša mathomo ba na le kotsi ye nnyane ya go fetelwa ke malwetši, malwetši a go amana le go hema le letšhologo.

New health centre for Port Nolloth

Jauhara Khan

The seaside town of Port Nolloth in the Northern Cape will soon benefit from a full-service community health centre project which promises to enhance access to quality healthcare.

The project is being implemented by the Independent Development Trust (IDT) on behalf of the Northern Cape provincial Department of Health at a cost of about R150 million and is expected to open soon.

Once completed, the building will comprise all primary health facilities including a trauma unit, radiology, dis-

pensary, psychiatric ward, maternity wards and paediatric wards. Consultation rooms will be used for reproductive health services, a psychologist, dietician and other services once constructed.

Work on site also encompasses the construction of facilities for support services including administration and waiting areas, ambulance quarters and parking bays, overnight accommodation for paediatric mothers, a mortuary, kitchen and dining area, stores and maintenance area.

Port Nolloth, located along the Atlantic Ocean, is one of the most remote areas of South Africa with a population of just over 6 000. It is served by

a small government clinic that offers a community-oriented primary health care programme that monitors and works towards the improved health and well-being of families in that area.

The progress on the project is currently at 70 percent. The contractor has been busy with installation of roofing in some of the buildings as well as internal plastering, painting and external work like paving, lighting and parking areas.

The project has created decent job opportunities. A majority of these jobs were reserved for the local community and a lot of the work on site, such as glass fittings and



■ Construction on a new community health centre in Port Nolloth in the Northern Cape is almost complete. The facility will soon offer the small town greater access to healthcare services.

cladding at the reception and waiting areas, were performed by local sub-contractors.

The IDT is an entity of the National Department of Public

Works and supports all spheres of government with social infrastructure management and programme implementation. ■